



UNIVERSITÄTS-  
BIBLIOTHEK  
PADERBORN

## **Epitome Instituti Societatis Jesu**

**Sesti, Curtius**

**Bruxellis, 1690**

Sect. V. De Egressis sua sponte.

---

[urn:nbn:de:hbz:466:1-68440](https://nbn-resolving.org/urn:nbn:de:hbz:466:1-68440)

*m. C. 2. D. 77.*

*& C. 7 D. 3. m*

*Quid servan-  
dum cum iif-  
dem ad Societa-  
tem redire vo-  
lentibus.*

*n R. Prov. 46.*

*o P. 2. C. 4. §.  
1. & 7.*

*p P. 2. C. 4. §. 8.*

*& C. 8. D. 58.*

*& R. Prov. 46.*

*& Or. c. 1. §. 2.*

*q C. 8. D. 58.*

rationes Pontificibus probatæ confirmant.

6. Si quis verò ex Dimissis redire ad Societatem velit; cautè procedendum est: cum constet hujusmodi homines rarò idoneos ad Instituti nostri disciplinam inveniri. *n* Et 1. non admittat, nisi qui dimissit, aut Præpositus Generalis suum præstiterit assensum: quem non dabit, si adhuc manent eadem rationes, propter quas fuit dimissus. *o* 2. Post reditum denuò examinari debet & generalem Confessionem facere, & aliis Probationibus, & Experimentis exerceri; in quibus tamen Provincialis dispensare poterit: sed non nisi post biennium ad Vota admittendus est. *p* At si contingeret quempiam sine culpa, aut ulla penitus causa è Societate expulsus esse, ita ut invalida sit Dimissio; is in pristinum statum, sine Novitiatu, restitui debet. *q*

## S E C T I O V.

### De Egressis sua sponte.

*Quinam redu-  
cendi ex sponte  
abestibus.*

1. **A**D eos reducendos, qui sine licentia recedent, si prius parum idonei ad Societatem habebantur, nulla diligentia opus erit, sed potius dirigantur ad ali-



aliud Institutum, ibi Deo servire possint, relaxato illis Voto. r Si verò hujusmodi P. 2. C. 4. §. 4. essent, ut Deo gratum fore videretur, eos non sic relinquere; quod idonei essent ad Societatem; præcipuè si ex aliqua vehementi tentatione, aut ab aliis decepti, egressi viderentur; adhiberi diligentia posset ad eos reducendos.

2. Quod si aliam Religionem ingressi, & ejusdem habitu induti fuissent; nec litigandum videtur Societati, nec procurandum, ut eos reducat. Nam in aliis uti poterit Societas facultatibus sibi à Paulo III. aliisque concessis: quandoquidem aliam Religionem ingrediendo, non ideo de jure deserunt esse de Societate nostra: licet sola post biennium simplicia Vota emiserint: quare ab ea recedentes Apostatarum poenæ, non secus ac Professi, incurrunt.

3. Si verò hi, qui injussi discedunt, immo & alii, qui dimittuntur, se conferrent ad alium Societatis locum: videntur nobis in Domino admittendi non esse; nisi qui loco præest, unde discesserunt, vel Præpositus Generalis admonitus suum assensum præstiterit; aut fortè consultius judicaretur eos, tanquam hospites recipere, donec responsum à Superiore, ad quem spectat, referetur.

V

4. Ad-

*Quid si aliam Religionem ingressi fuerint.*

§ P. 2. C. 4. §. 5. & B. & C. 1. D. 24 & Paul. III. p. 41. & Pius V. pag. 100. & Greg. XIII. p. 217. & 229. & 237.

*Sponse redeuntes à quo recipiendi.*

§ P. 2. C. 4. §. 1. & A. & R. Præp. 81. & Rect. 79.



*Quae satisfactio  
ab iisdem exi-  
genda.*

“ P. 2. C. 4. §. 6.  
& 8. & D. &  
R. Prov. 46. &  
Or. C. 1. §. 2.

*Quid cum va-  
gis, & profugis.*

“ C. 7. D. 4.

“ C. 9. D. 27.

4. Admitti autem in Collegium, seu Domum, ex qua discesserant, non debent, nisi parati sint ad quamvis satisfactionem, & probationem. Si verò, & idonei ad Deo in Societate serviendum judicentur; & de eorum verâ pœnitentiâ non liqueret; ad experimentum constantiæ, & levitatis præteritæ satisfactionem, in aliquo Xenodochio constitui possent. Quodcumque autem admittentur, denuò examinentur, & probentur, prout Provinciali videbitur: Quod si Vota emiserant, eadem cum aliis renovare poterunt. Sed advertatur huiusmodi homines rarò idoneos ad Instituti nostri disciplinam inveniri. “

5. De profugis ad Generalem sine pœnitentibus literis Superiorum suorum, aut similiter per Collegia vagantibus gravis pœna sumenda est; neque audiendi à P. Nostro, sed remittendi in Provincias suas. x At fugitivi Societatis ipso facto sunt excommunicati. y

